

金堂縣志卷末

外編

瑣記

創始邑乘以土地人民政事三者爲綱每綱劃分上中下三部每部專志一門爲目者四共爲目三十有六茲已衰然成帙矣復輯是卷將以續諸志尾蓋作邑志者詳爲要多爲貴濡毫之初廣事蒐羅俱收並錄以故典實藝文各依門類纂入而旁見雜出有正志各門無類可歸者或前賢所記或時俗所傳摭拾之餘亦關風土民情足資考鏡

金堂縣志

卷末 外編

一

二則當亦採風者之所雅尙歟

外編

通志風俗門載有俗樸民淳文風亦駸駸日盛出金堂志數語又行人張吾瑾行述亦云曾祖鵬邑志有傳則明以前金堂固有志也惜爲兵燹焚毀徧訪之久而弗得蓋湮滅盡矣

宋王象之輿地碑目云金淵志郡守韓植序今此書已亡惟明曹學佺名勝志曾輯其數語餘則無可考矣宋時已

置金堂縣仍謂之金淵者蓋宋人好用古名標目也
宋王象之蜀水考四瀆惟江最大發於岷經夔荆達揚而
入於海此江之源也自蜀而言江之外其水有七出於綿
之神泉曰綿水出於什邡之章雒山曰雒水分流於永康
之湔隈曰湔水綿水自綿竹紫巖山經德陽雒水自什邡
入雒湔水經導江崇甯九隴濛陽亦入雒三水皆合於雒
自雒經懷安簡資富順至瀘與江水會總曰內水發源於
江油之青川經綿潼遂東至於合曰涪水發源於沔之青
泥嶺經大安利閬果至合與涪水會曰嘉陵水發源於小

金堂縣志

卷末 外編

二

巴嶺經巴蓬之伏虞西南以至於渠曰巴水出萬頃池經
明通又至渠與巴水合曰渠水巴渠二水既合經廣安新
明至合與嘉陵涪水會以達於渝而江始大此七水與江
別合之大畧也

金堂即懷安軍地

通志外紀宋劉裕遣朱齡石伐蜀寇譙縱衆軍悉從外水
取成都臧僖從中水取廣漢老弱乘高艦從內水向黃虎
史炤通鑑釋文曰巴郡今之重慶正對二水口左則涪內水右
則蜀外水自渝上合州至綿州曰內水自渝上戎瀘至蜀
謂之外水按外水即岷江自重慶上敘州嘉定是也內水

卽涪江自重慶上合州遂甯潼綿是也中水卽沱江自瀘州上富順資簡金堂漢州是也曰四川者則取岷江沱江黑水白水四大川以爲名爾沈約宋書資江爲中水涪江爲內水

通志詩話金堂三學山盤陀石上刻詩一首云拔地山巒秀排空殿閣斜雲共數州雨樹獻九天花夜月摩峯頂秋鐘徹海涯長松拂星漢一一是仙槎不註作者姓名年代要非唐人不能辨也本刻九天二字提頭想必隨駕入蜀者

金堂縣志

卷末

外編

三

徐畊成都人生二女皆國色教之爲詩有藻思王建入蜀聞之納於後房生衍及衍嗣位尊爲太后太妃曾同衍禱青城山遊丈人觀元都觀金華宮丹景山至德寺各有倡和詩刻石次至漢州三學山夜看聖燈太后詩曰周遊靈境散幽情千里江山暫得行所恨風光看未足却驅金翠入龜城太妃詩曰翠驛江亭近蜀京夢魂猶是在青城此來出看江山景却被江山見出行

按此二詩乃回至天回驛作詩話所記有誤

嘗聞成都長老言曩溫少保修南宅於金津役里坊笞詈

不輟實冢器公督之一口有老者運土畚至稍遲又將笞老者跪而啟曰某取土最遠力竭矣懇宥之家器公曰取自何所曰取自萬閣老之宅公愀然遂遣里坊之役又某巡撫者索米醋於錦官驛時應役者金堂杜刑部之裔以醋獻怒其不佳也重笞之其人受杖訖斂衣泣詬曰此祖公之遺我也巡撫公因詰之其人曰吾祖杜銘爲尙書不知威刑刻薄作何狀使我等受報如此巡撫蹙然遂不復有所索二事大畧相似可爲恃勢凌人者戒

四川舊誌器物譜金堂縣華嚴寺後岩上有一石龍長數

金堂縣志

卷末

外編

四

文身現二處鱗甲儼然爪如古柏根其下泉水甚清歲旱取湫有應又峽岸有巨石足跡長二尺許指掌宛然不鑿而成

川西水利秦守李冰開其南漢守文翁開其北自灌縣寶瓶口左分而東流至郫縣入沱江者李冰之水也自灌縣三泊洞左分而北流至彭縣入湔江者文翁之水也推古人有功德於民則祀之義則新繁新都漢州金堂凡在沱江之南者歲時伏臘皆宜祀李冰其在沱江以北者則宜兼祀文翁蓋文翁守蜀正不特善教已也今惟錦江書院

祀之外此竟無知者報其教而忘其養殊爲闕典
沱江一名中水晉隆安九年劉裕與朱齡石書云衆兵悉
從外水取成都臧僖沈叔任等從中水取廣漢老弱乘高
艦從內水向黃虎蓋據建康言涪水在內江水在外而沱
適在二水之中也然宋淳祐三年余玠城雲頂山以備外
水爲州治所寶似又稱外水矣姑存記以備參考

元費著氏族譜蹇氏祖蹇叔唐有侍臣曰蹇道原從僖宗
西巡僖宗謂曰蹇不利東北因更氏曰蹇後有居懷安軍
金堂曰逢者生二子長曰綬綬生汝明皆登第爲金堂開

金堂縣志

卷末

外編

五

家次曰綰徙溫江子汝礪迪功郎汝能贈承事郎子孫皆
登第者曰克諧曰誼曰騏曰寅望然自獻賊後其族已遷
徙他鄉雅州重慶多有之今南鄉地名有蹇家營蹇家場
蓋其故居也牟池塔山下有明蹇氏墓字作蹇通志載未
進士蹇綬蹇汝明蹇懋雁塔載宋文學蹇翔明貢生蹇昌
及雅州重慶之族俱不作蹇其流傳誤耶卽兩字並用耶
金堂叢爾邑歷代武功特少惟晉義□初成都爲譙縱所
據九年以朱齡石討平之於東山置金水戍又唐景福元
年王建攻楊晟於彭州楊守亮遣將符昭叔之營三學山

建將華洪拒却之又宋淳祐三年余玠城雲頂山以備外水爲州治所寶六年蒙古將鈕璘人成都蜀帥蒲澤之命楊大淵等守劍門及靈泉山鈕璘大破大淵兵於靈泉進圍雲頂山扼其歸路餘無可考

祥異事古亦罕見惟通志載萬歷二十九年冬十一月朔金堂大雷雨三十年夏五月金堂大雨雹又峽口石壁上鐫記水災前後共十九次字蹟剝落不知刻自何時惟天福三年六月二十三日天聖七年五月二十八日兩條可辨至乾隆九年六月二十日大霖雨三江泛漲趙家渡地勢窪下被淹至五六丈三皇峽口凡淹三十餘丈邑人周愷王明誠於蟠龍山摩崖紀異以爲後警四十五年六月大霖雨被淹亦如之餘俱無考

乾隆九年六月霖雨連旬沱湔縣雒一時汎溢峽口居民夜見物如巨燭插水中光照山谷波瀾逆湧次夜忽大風雨震雷一擊燭光頓滅積水俱澎湃而下比天明江岸皆出矣聞之鄉老云然

輿地勝覽云三學山有佛蹟石理堅潤瑩白如玉非世間追琢所能又有碧玉佛龕藕絲袈裟錦字心經貝葉金字

涅槃經寺前後□柏皆隋唐故物又有飛石乃自雲頂飛來者今惟佛蹟飛石尙存視之亦無足奇異也

又云雲頂山有柟樹已枯石離而爲二有王頭陀語曰五百年後寺當廢若柟再生石再合然後復興果如其言云云此當指宋靖康崇道教遷頭陀塔事也然鄉人習見者謂離右近今始合數十年前尙未敢步躍而過何也

西幸畧云唐明皇至劍門山神迎駕稱姓李氏後陟武擔山東臺遠望祥雲紫氣盤結空界問左右曰此何處對曰石城山乃悟山神扈衛之意遂改雲頂爲慈雲焉此記前

金堂縣志

卷末

外編

七

後語意不蒙疑有錯誤

相傳治東五里許舊有井晝夜常見月影在水中俗遂呼爲月井後被污穢不見今並井亦湮塞矣

茅亭客話云至道丁酉歲秋八月諸州巡檢作亂坊使韓景祐至懷安軍爲其下廣武卒劉肝等謀殺之韓踰垣而免是夜軍賊掠懷安軍及明取金堂古城入漢州凡六日行五百餘里劫掠五軍州十鎮縣所至處皆不及支梧驅掠軍民勢莫可遏州縣震懾戶口奔逃

又云□州小溪縣石城鎮仙女埡村民程翁名君友家數

口墾耕力作常於鄉里傭力織草屨自給人質鄙樸而性
慈仁見禽獸常下道迴避不欲驚之寡訥少與人言年六
十許凡見山人道士聚得傭負之直以接奉之凡有行李
者卽與之負擔無遠近或遺其錢卽不顧而迴如此率以
爲常開寶九年春往雲頂山寺遇一道士古貌神俊布衣
麤幘引一黑狗見君友云願與我攜拄杖藥囊到青城山
當倍酬爾君友忻然隨之入一小徑初則田疇荒梗漸見
花木與常所歷者路稍異行三四里又見怪石夾道皆生
細竹桃花飛泉鳴籟响亮山谷望中有觀宇依山松桂清
寂薄霧輕烟披拂左右黑狗前奔道士昇廳君友致藥囊
拄杖於堦上道士曰爾有仙表得至於此開囊取瓢傾丹
一粒令吞之曰若有饑渴則可嚼柏葉柏實些些君友懇
祈願住仙齋以効廝役道士曰爾且歸家別止一室精思
妙道吾至九月八日當來迎爾君友拜謝未終黑狗起伏
因出門避之向來所遇如失寂無影响若夢寐中逡巡具
一負薪者問之云是青城山洞天觀路君友歸家無饑渴
之念遂別止一室不顧家事嘗焚柏葉柏實靜坐無所營
爲不飲不食時嚼柏實三五顆而已門外有一柏樹下有

一大盤石常織草屨及偃息於上至九月七日夜山谷月皎風清君友於居前後如有所待達且雲霞相映有如五色君友仰觀躡空祥風忽生彩霧鬱起妻孥悲號遂越巨壑層巒涕泗追望極目而沒鄉里皆見同時知州有補闕李公準通判張公蔚以爲妖訛囚繫君友妻男於獄遣吏民於遠近尋其踪由時耆舊鄉里不堪其擾衆焚香告曰君若得道却乞下降勿使鄉人濫獲其罪忽一日君友在州衙門請見通判張公怒而詈之曰若仙當往矣豈得復還是妖也將加責辱令拘之君友但俛首默坐唯不飲食

吏人私問之曰何以得免對曰新主將立何患乎不免言辭安詳人皆不喻至十二月初直太宗皇帝登極遇赦至是方悟新主之驗也君友歸家入諸舊室有眞仙時降輝光燭空升牀連榻笑語通宵妻男聽之皆不可曉至太平興國元年三月三日於柏樹下石上復騰空冉冉而去妻男望之已在霄漢皆聞音樂及香風終日不止本州以事奏聞恩賜其妻男粟帛時鞠獄吏張漢璆睹其事蹟因棄妻子遊歷名山至今尙在

史記李冰穿二江成都之中謂流江郫江也自都江堰下

分二支一支南過溫江至東門入府河者曰流江一支東過郫至新都入沱江者曰郫江故杜預益州記云江至都安堰其右檢其左其正流遂東又云二江者郫江流江也又宋河渠志云阜江支流迤北曰都江口置大堰疏北流爲三東曰外應口漑導江新繁新都達於金堂是爲沱江東北曰新石洞口漑導江崇甯九隴濛陽達於漢之雒是爲湔水東南曰馬騎口漑導江崇甯郫溫江成都華陽是爲流江所言新石洞口卽漢文翁所開之三泊洞也他書淆亂惟此志最清晰

蜀相鼈令鑿金堂峽人多疑之不知峽本固有鼈令特疏通之耳宋韓琦亦嘗鑿金堂峽以通舟楫果爾則琦之前不又可疑耶史言李冰穿二江皆可行舟琦蓋鑿平其險以爲民便也

陳藻一名濟仲國學生長於才乾隆中北條堰水淤塞栽插常不及時藻思此患不平終爲歲害是年荒旱愈甚遲至五十日堰水不至人心洶洶藻乃率同人之有膽識者沿渠巡視至灌縣知爲北條堰口狹隘當衝狹隘則灌注少當衝則淤塞易力白水利同知求爲調劑言詞剴切條

陳明晰竟得倍闢堰口永爲定例金堂田居水尾自是遂無不足之憂今俗有三日放水五日栽秧之語爲陳藻言之也子先進華陽庠生孫屏藩邑庠生

縣試儒童紛紛自攜棹凳相沿已久每唱名時擁擠喧譁既多負戴之勞亦失斯文之體嘉慶九年知縣謝惟傑捐廉置丈長棹凳各一百五十張皆闊厚堅實每張可坐六七人先期安設停妥多士會文頗資靜適嗣以考童日增十四年又爲添置各一百張共可坐一千五百人每年修補以時飭五省街耆分貯會館其出入清數責在禮房或

亦培植斯文之一端耶後此有修無損庶其永遠存焉

簡州知州毛大瀛陣亡處石碑在土橋溝場外里許場屬金堂縣距簡州邊界十餘里大瀛江蘇寶山縣人嘉慶四年知簡州事五年四月川北教匪滋擾潼綿一帶將至州境大瀛同汛弁馬應魁親率鄉兵出境堵禦抵土橋溝遇賊接仗衆寡不敵遂被戕害越二載知縣謝惟傑因公履其地惻然於中每思古人過墟生哀之義勒石道左鐫記歲時欲俾名蹟昭垂不致久而湮沒也

瑣記

通志中所載金堂事間有舛錯如云三學山在縣東十里當作四十里焦山坡在縣東十五里當作焦沙尾在縣東二十五里斜灘當作斜潭古碑猶存罐子山當作冠紫山唐昌利觀記舊志在昌利縣當作在昌利山王頭陀塔銘在銀頂山當作雲頂山

又云九頭山在縣東南十五里上有九峯今東南十五里山皆平岡無峯可數又望蜀山在縣東南二里今東南二里地皆衍沃並無邱壟

又云萬安山相傳洪水時棲其上者萬人俱得免恐亦訛

金堂縣志

卷末 瑣記

十二

傳也宋寰宇記已有此名山之高者正多豈特此阜能免華陽國志漢時有萬安倉其得名當以此

又云仙人井在縣東北十五里唐仙人李八百女妙應真人於此取水煉丹按李八百修道三學山井不應在此相傳在棲賢山後者得之仙釋門載李八百夏時人號紫陽真君其後遂得仙封妙應真人此云唐仙人李八百女妙應真人時之相去二千餘年而爲父女斷不足信而父女同號必有一誤蓋仙號唐時所封父爲紫陽真君女爲妙應真人趁筆而誤記也

又云金堂故城在縣南卽今古城鎮唐置按明教寺宋碑言金堂縣之西三十里有屬鎮曰古城今治北有古城橋則鎮卽今治也唐所置縣乃在舊城址距今治適在西三十里當云故城在縣東南卽今舊城址唐置方爲明曉所謂古城者因西魏曾置白牟縣也又云白牟廢縣在縣東亦無可據

又云沱江在縣南自新都流入合湍水亦曰五城水晉義熙初毛璩請討桓振使譙縱等出涪水縱至五城水口遂作叛水經注涪水枝津西經五城界爲五城水又西至成

都入江又曰郫江水東繞縣雒經五城界至廣都北岸南入於江謂之五城水口斯爲北江云云按酈元北人未嘗至蜀所撰水經注每有懸空摹擬不足憑者未可引據蓋晉之五城爲今中江縣涪水卽潼川城東之水五城水卽凱江自中江縣西流入東至潼川南入涪故水經注以爲枝津而涪水自潼川東南流過射洪蓬溪遂寧合州至重慶入江安能西至成都耶郫江卽沱江廣都乃今雙流縣旣云東繞縣雒經五城界又安能復至廣都北岸耶通志古蹟後所錄碑記乃輿地碑目全文其末尙有金□

志一條惜通志刪去且註多引舊志故多岐誤耳
輿地碑目前云唐昌利觀記在昌利山延祥觀開元中金
堂尉沛國武犍撰後又云金堂尉武犍碑在延祥觀唐開
元中立此編寫重複也

碑目楊浦壽昌記在郎中山今無考壽昌亦寺觀名
謝楊壩蘭溪有陰庠廟康熙中有李姓自東安徙蜀江行
遇大風將覆舟禱於神而安故爲立廟嘉慶四年土人恐
其地僻藏奸議欲毀之忽見巨形人執鞭叱曰若毀吾廟
吾禡爾魄其人驚仆久之遂不敢毀按神爲湖南永州所
金堂縣志

卷末

瑣記

十四

祀稱廟王姓名無考昔人辨有鼻山爲有庠卽舜封象處
此豈其人耶

宋刻菩薩戒經碑在雲頂山祖師洞左磨崖爲碑高丈許
凡九千餘字下半剝落不全

宋刻波羅蜜多心經碑在戒經碑右高三尺許字蹟完好
筆法遒勁可爲樞楷上額題識剝落首行僅存記字末行
存七日奉三字

離石側皆有擘窠大字久爲苔蘚所封不能成讀想前人
刻此亦大費籌畫矣

雲頂山舊有金箔菴皇姑洞千佛巖今俱無考

懷口鎮太平寺嘉慶七年掘土得殘碑二字蹟俱磨滅一
存嘉定五年四字一存乙巳年閏正月六字

懷口鎮太平寺右林中有古冢一碑題嘉靖三十五年知
縣王棟湖廣華容人妻何氏妾馬氏子金子繼亡合葬白
塔山右云云意必致仕歸時道經懷口鎮故葬於此然何
以同時而亡其病耶抑災也伊可慘矣

宋靈龜廟碑在懷口鎮湖廣會館左字大徑寸端麗可愛
惜剝落不能成讀後載迎送神詞二章畧完好亦惟降膚

金堂縣志

卷末

瑣記

十五

寸兮澤千里苗旣槁兮重敷榮一聯尙全其文多以公與
神並稱如結句千秋萬祀兮荷神之休而飲公之德似其
時荒旱公祈於神而得甘霖及歿遂並祀此廟也未題門
生迪功郎懷安軍軍學教授趙載記並書奉議郎僉書懷
安軍判官廳公事宇文適之題額闕奉大夫知懷安軍事
新除知資州借紫袁倚建立

明楚監劉公喬遷懷口鎮思不忘謠碑舊在鎮後今遷湖
廣會館右字亦多闕序云思何萌志愛也愛何萌慕恩也
自非淡仁灌注厚澤徧治則秉政日且虞其不去卽去之

日且虞其不遑征已安令都人士思不忘哉我劉公執政
金堂蓋五載於茲矣凡其率履規爲罔非善政以下上嘉

公循良遷廣安州刺史公命駕修旌徘徊顧望戀戀然若
不忍去者會闕愚夫嬰孩鮮不汕然泣下欲挽去轍而不

獲闕也嗟嗟公吾之父母也何迺遷公之速哉然公在而

瞻依公去而怨慕但中心藏之奚以垂不朽故筆之於石
欲與流峙共年則愷悌之徽音不目擊可存哉公之芳躅
在吾鄉之搢紳先生與父老之頌言備矣無庸再贅第鏤
所謠十首於下用振康衢云爾至於公之闕德難名果筆

金堂縣志

卷末 瑣記

十六

墨可罄耶謠云思不忘思劉君真心闕九勤撫字清廉正

直無點塵貪風絕世道淳思不忘兮思劉君思不忘思劉

君推誠闕七共譚情無厭撫卹存問意更深鄙夫寬薄夫

敦思不忘兮思劉君思不忘思劉君闕三樣自攸分彰善

癉惡持公道冥頑退避善良存民無怨士無嗔思不忘兮

思劉君思不忘思劉君是非剖別闕三虛誕無實難藉口

鑑空能類兩家情獄無冤闕三思不忘兮思劉君思不忘

思劉君闕二執政邁夷倫里巷疾苦如赤子下車恒存泣

罪風闕六思不忘兮思劉君思不忘思劉君隄防一築灌

漑通沃壤百里民樂利水勢安流更無壅八年績三過勤
思不忘兮思劉君思不忘思劉君縊死常鏃勸民吟說透
無益真情狀挽回愚頑輕死心夫婦諧閨門親思不忘兮
思劉君思不忘思劉君枯竭鹽場不再征竈丁已被百年
害直到而今始得生旋乾力轉坤功思不忘兮思劉君思
不忘思劉君自秉直筆不徇情曰宥勿宥惟我在或是或
非只有公六吏遠紀法清思不忘兮思劉君思不忘思劉
君溪山窮谷皆謳吟五載善政千年惠一時垂休百世新
甘棠愛召伯勲思不忘兮思劉君末書文林郎知金堂縣

金堂縣志

卷末

瑣記

十七

事雲南昆明劉世選秦中長安晚學生張應薦書萬歷乙
未夏懷口巡檢司巡檢關中長安張世登立後列生員吏
員鄉約諸姓名

金輪廢寺在同興場東里許建始無考惟宋藏經記碑高
八九尺在荒壟間風雨剝蝕字蹟微存有前僧惠覺今僧
智珪郡守楊公余宗有名驥者珪因化諸邦人增益經律
傳集五千四百八十餘卷鑄成已適游金淵珪囑成已求
記於余既繙之爲七十有八又約之爲五十有九其餘以
般若名等句

同興場東南二里鄉人曾掘土得小碣云懷安學在成南一隅夫子廟廷側紹興年迺作外門設以屏獨迫而不錄公祖謂生徒曰先聖有廟學有宮數語餘不可識矣同興場北里許荒塍間有古神一日漫糊無字惟碑額篆大宋懷安軍重修建北禪院記數大字猶存

棲賢山鴻都觀有唐李陽冰龜鶴齊壽四篆字其磨崖題名甚多可辨者一云定陶晁端輔正臣贊皇李挺聖弼潯陽寒遘遇之治平元年九月二十五日同游李八百洞輔臣題於石一云熙寧丁巳八月六日金堂令華陽楊昉游

金堂縣志

卷末

瑣記

十八

此時闕長老元公延祥觀道士謝道紀同來啖紫柏子遂回謹記一云安岳馮致遠懷安張文叟京兆趙命之己卯閏九月同游一云邑令田嗣永訪真人遺跡淳熙七年三月二十六日一云金堂令龐柬無澤弟宗茂先生鄧思永伯同遊廣濟延祥鴻都周覽遺跡崇寧甲申季秋二十一日字蹟俱迺麗可觀其餘剝落不可識矣

迴龍菴龍神高僅尺許明嘉靖中刻也天旱禱之極有靈應相傳本農家廢石輪每移徙風雨輒至遂琢爲像迄今萬安鄉凡有荒旱卽迎其像設壇祈之無不立驗

金堂縣志卷末


治景圖說

各方志乘靡不有景靡不有圖半屬人工半由天巧及乎
景隨地著情以景生明秀之區卽爲風華所聚宜乎騷人
逸士藻思鏤采綺語烘霞拈韻留題流連不置也金堂古
名邑士靜有文地饒而秀不獨雲峯月峽見美前賢卽茲
三水七山亦多勝概曾於暇日與二三同志各舉聽睹所
經臚爲八景曰雲頂晴嵐曰韓灘春漲曰淨土晨鐘曰文
瀾秋月曰寶塔臨江曰金船檣峽曰聖燈朝佛曰白馬湧
泉夫以地之所有天之所生豈遂足炫異矜奇要不同蜃
樓海市爰繪專圖畧具叙說一時題詠各隨圖而分隸之
欲使躬遊者常得娛目於卷中卽神遊者亦可冥携於象
外他日詩傳畫意摩詰重逢擘彩牋以標勝蹟爲治景別
開生面是則予之所欣企而大快也夫



金堂縣志

卷末
治景





金堂縣志

卷末 治景

三

大雲頂山古名石城山在治南金堂峽上洞壑崇幽岡
巒秀拔

國初新闢叢林制愈闕敞自是而後福地雲藍瓊臺紺宇
布滿巖岫間凡曲澗香泉珍禽異卉清心而娛目者筆
難罄繪匪特境內名山直可爲西川之勝蹟也遙望奇
峯插漢霞卷雲飛嵐翠欲滴令人作海外三山想先天
傳云青城峩眉蟠冢諸山各一洞天不在十大洞天三
十六小洞天之數若雲頂者倘亦仙曹游憩別有洞天

故諸靈書不及載耶

雲頂晴嵐

邑令 謝惟傑 兼三

天半奇峯遠俗埃大雲山似小蓬萊烟鬟剛擁朝霞出
螺黛還銜夕照來見出玲瓏新洞府爭傳金碧舊亭臺
探幽如在山陰道萬壑千巖夢幾回

前題

學博 張 岷 至山

千年靈境隔塵凡百里晴光護碧岳地接岷洮雲共覆
天開洞壑日初銜仙峯縹緲真如畫翠巘峻嶒未可芟
羨爾安禪諸衲子香茆亭畔蔭松杉

金堂縣志

卷末 治景

四

前題

丹徒 舉人 嚴學淦 麗生

劈開千菡萏削就雙芙蓉一障東南山化為五彩虹白
雲繚繞之仙逕虛無通朝陽鑄金碧噓噏丹鑪洪暮霞
散結綺縹緲仙裳紅變態不可極頂上光熊熊蘭若如
雲巢蟄居蒼翠中登臨剔苔蘚憑弔懷英雄前朝古戰
場事與雲水空老衲打磨佗佛耳千年聳

前題

邑人 督 守 備 黃玉堂 寶齋

登眺雲峯記昔年叢林訪遍翠微巔山靈都似曾相識
盡吐嵐光到眼前

前題

邑舉人 陳一油 □ □

朝看雲頂雲晨霞燦樓閣暮看雲頂雲夕陽動林薄雲
散露空青雲歸失巖壑緬彼山中居嵐光滿村落

前題

邑拔貢生 何椿齡 竹友

懷州一帶山如屋不供游覽供樵牧窄徑紛紛莫主名
詎有奇觀豁心目我來州南雲頂之上巔嵯峨巖嶻何
蜿蜒雲根雨氣石城伏颼颼側耳響松泉陵谷滄桑經
幾變靈光魯殿獨巋然眼界忽開青未了一憑一眺一
神仙此際金烏剛欲吐瞳矐漸拂扶桑樹昨宵雲頂正

金堂縣志

卷末 治景

五


蒼茫風伯雨師方止怒未審天地好權奇晴嵐早向山
頭布始似洛浦丹霞升又似華渚赤虹露不則有鼎若
汾陰至今猶有黃雲護我欲搔首問天公呼吸想於帝
座通羲和日御弄機巧六龍駐蹕彩霞紅不然車輪牛
馬原無數何似巫山陽臺之朝朝復暮暮中有仙人衣
五銖恍惚謂我何擲揄糺縵光華遍陬島而於雲頂何
疑乎我聞斯言大稱快靈氣乃與山名符不願倪迂作
畫圖但願山色對吾廬山兮嵐兮時相見勝策八駿 □

珊瑚

前題

邑庠生 陳一津 卯

已闢叢祠八百年上方仍在翠微巔朝霞欲斂千峯雨
旭日初開萬井烟好鳥頻呼芳樹外名花爭放石幢前
從教證佛天宮殿宛似南華第一篇




金堂縣志

卷末 治景

七

金堂縣志



趙家渡在治東漢晉時名大渡厥後改韓灘有宋韓琦之遺蹟在焉一名橫渚關蓋因地形得名川西沱維湔三水盡滙於此故又名三江鎮迅流三十里出金堂峽直注簡資卽唐王象之蜀水考所稱內水宋史所稱中水者是也每值春濤泛溢聚如湖澤煙波無際舸艦迷津頗爲一邑鉅觀卽景分圖繫以長律然每思嚴維柳塘春水漫之句眞覺一語道盡麤才摹寫判若霄壤矣

韓灘春漲

謝惟傑

韓灘渡口綠盈篙新水平添又幾遭萬柳含烟浮碧浪

千峯環翠壓春濤青帘搖曳歌船近芳草萋迷釣艇高
待剪江波橫疋練半歸圖畫半詩豪

前題

邑尉 鄭 蘭 蔣春

浩淼三江合千家古渡頭輕航天上坐遠市水中浮

趙家

皆渡水四面

柳倦迎人舞花殘逐浪流潭洩無限好汛汛浴

羣鷗

前題

嚴學淦

一碧杳無際滙爲濯錦江釀成雄鴨色縹雪驚飛淙桃
花三萬頃暖撲鷗雙雙倒影盪空明紫蘅搖翠苳如葉

金堂縣志

卷末 治景

九

復如薺木蘭浮畫艫榜歌與漁笛水調翻新腔人家綠
雲裏遠火□燈窓樹迥不知處夜深聞吠厖我從北河
渡水珮鳴琤琤揚一與益二沃野真大邦

前題

陳一泐

我本山中人扁舟未云已卽此訪幽居來度韓灘水綿
維滙細流沱湔漾清泚何處逢桃花時時春風起

前題

邑舉人 梁起祥 承吉

最是韓灘古渡濱每從沙漲憶芳辰半篙疑作三秋色
萬頃長添二月春綠柳岸停沽酒客白蘋洲送賣花人

畫船倚處烟波好多少名流樂問津

前題

州邑同人何澤遠 雲峯

春雨漲春潮扁舟泊江岸夜半聽韓灘潺湲聲不斷

前題

何椿齡


雨聲壯罷溪聲壯行人共報韓灘漲青箬紅衫蠟屐來
拍手驚看桃花浪浪花過眼如傳郵氣勢直與海爲儔
中有鯉魚何夭矯欲挾風雨龍門游憶昔峽口未疏鑿
長江滾滾無束約三春新水鴨綠頭已似兵行肆剽掠
一河之水震怒濤衆河續尾恣橫虐鱗鱗瓦屋千萬間

金堂縣志

卷末 治景

十

居民惶恐燕巢幕轉運韓公信有神美玉不須湛海若
插天芙蓉爲闢開峽口如帶水如縛急流從此慶安瀾
轉爲懷州壯大觀初破餘漸垂匹練渙渙波潏潏銀浪炫
無復當年瀾漫雄碧濃於染平於面卜吉湔裙幾輩來
峽上峽下花如霰漁艇朝朝棹縠紋鱗鱗日日行春薦
安得鄂君青翰舟乘風好趁新波便




金堂縣志

卷末
治景

十一

縣
士
居
鐘



今縣治爲唐宋時之古城鎮舊碑記載云鎮之東北隅有寺曰明教創置歲月無可考唐時賜號淨土宋祥符中改今名蓋千百年古刹也左鐘樓右西塔前臨大池後倚金剛山自明季燬於兵燹厥後屢經補葺嘉慶乙丑年予從邑人之請集議興修縱未能恢復前規而龕陛崇嚴香壇清閔廟貌一新矣每當漏催五夜萬籟無聲之際隱隱鐘樓鏗鐃初動時與金磬斷續於曉風殘月間最足發人深省

淨土晨鐘

謝惟傑

雲藍曾識古城隅，曉聽疎鐘達五衢。
殘月尙窺禪塔靜，曙風微動寺樓虛。
聲傳法海三千界，響記牟尼百八珠。
敲罷頓教羣品寂，還從象外悟空無。
清靜經空無所空
所空既無湛然常

前題

鄭蘭

古寺華鯨吼，孤城未啟闈。
鏗鎗催旭口，瀏澆達霜旻。
靜聽神俱往，長驚夢不真。
勞勞三界裏，敲醒幾多人。

前題

嚴學淦

古柏如虬龍，植立四株翠。
避過雷火攻，亦遭兵燹忌。
呵

金堂縣志

卷末

治景

十三

護古招提挺出拏，雲臂龕石斷螭紋。
蛛塵網蟬翼佛面，光幽幽傑閣雲歸。
歸妖墓蝕月時，白骨叢殿栖鬼燈。
大於錢亂碧湧，森邃天開日光晶。
普度衆生易獅王，吼風輪珠火燭精。
魅嘯海鏗鯨魚打破九幽地。

前題

陳一汭

清晨入古寺，殘月猶掛壁。
焚香禮空王，愛此萬籟寂。
時聞鐘聲來過耳，還歷歷妙悟不由人。
清淨有真蹟。

前題

梁起祥

晨鐘何事曉相催，淨土敲殘一界開。
響徹山門觀自在。

聲過池面見如來

寺前金剛池

不隨蛇漏傳龍閣那共雞人

唱鳳臺我欲參禪明教我朝朝悟法幾徘徊

前題

邑舉人

傅秀渭

秋風一夜動禪林逐耳蒲牢度遠音知否五更星月靜
有人驚起和龍吟

前題

邑拔貢生

馮國柱

蔗田

畢竟西方象教尊宋唐舊蹟尙分明劫灰已閱千餘載
殘夜猶聞百八聲落處每因風更遠聽時宜值雨初晴
塵襟此際眞瀟灑太華峯頭一樣清

金堂縣志

卷末

治景

十四

前題

何澤遠

春夢苦難足不覺夜嚮晨蕭寺吼蒲牢驚起夢中人

前題

何椿齡

一聲響天雲不作桓伊弄參橫月落時喚醒塵中夢

前題

陳一津

篆裊爐香柏子焚玉羅窻格日初曛千年古鎮遺蕭寺
五夜清鐘和白雲時送梵音花下入偶隨鄰磬枕邊聞
心經最好從頭讀一卷波羅恐未分

寺僧撞鐘每誦波羅密多心經

前題

邑庠生

胡成玉

温如

蒼茫古寺曉烟橫
朗朗鐘敲百八聲
禪榻累驚僧入定
旅窻偏惹客含清
餘音未歇因風遠
逸響猶傳著夢清
却怪隣雞最多事
擾他梵唄不分明

前題

邑人 陳學山

寶鴨爐香裊篆烟
畫旛高颭寺門前
叢林曉色迎初日
上界鐘聲度遠天
旅夢初回殘漏外
梵音齊到白雲邊
依稀聽罷渾無事
起對南窗獨爽然



金堂縣志

卷末
治景

十六



治西舊有堤俗呼鶯項頸蓋因地形如鶯伏狀而堤當其頸也長可二十丈左右臨江爲自縣達省通衢湔水支流自新都督橋岐分入境爲繡川別出曰長寧同源異派折而東趨至隄則二水夾流中僅丈許形勢天成過此仍分而遠去焉惟歲久崩坍路多坎壈風景蕭然矣嘉慶十四年重修堤平如砥兩岸清波嘉其名曰文瀾建坊道左以詔來茲每當秋高氣爽晴獻溪山雲澹於羅月明似鏡顧葭蒼而露白可狎鶯以盟鷗憶故鄉西子湖頭三潭映月若將髣髴過之吾友多素心人試



與一遊清尊畫舫嘯月吟風誦髯蘇便捉蟾蜍共研墨
彩箋書盡剪江波之句當爲浮一大白

文瀾秋月

謝惟傑

二水潏洄曲曲流文瀾隄畔桂華浮誰將一片蟾蜍影
分作蒹葭兩岸秋鴈陣聲迴黃葉浦漁歌響徹白雲樓
閒情爲憶坡仙賦明月清風樂未休

前題

嚴學淦

新篁數百竿垂柳幾千絲飛來雙鸞鷺五色紛葳蕤天
開吉祥花兆瑞入鳳池文瀾漾金堤紫海風迴時偃月

金堂縣志

卷末

治景

十八

勢窈孃臥虹光陸離振衣翔天衢高步籥雲達賢候古
文翁蔚秀淵雲姿我來堤上游濯魄清漣漪芳尊酌綠
醕飛蓋星文移銀蟾照水白涼上五銖衣

前題

黃玉堂

雲淨天高兩鏡開涼風拂拂遠塵埃波平上下清如許
似待詩人賞月來

前題

陳一泐

憶昔蘇長公守杭不忍去至今湖上人猶說蘇堤處今
宵秋氣佳趁月作閒步月目無已時流光照歸路

前題

馮國柱

新築平堤幾度過堤名不襲右軍鷺

俗名鷺
頃頸

文章難得

波瀾濶流水居然氣象多秋色遠涵天一碧月光明似

鏡雙磨銀河可許乘槎到爲問仙人意若何

前題

陳一津

文瀾堤下水溶溶潏灩分流漾碧空閒客最宜秋入夜
快游剛是月當中一川清影芰荷露雙袖薄寒楊柳風
猶記六橋蘇玉局畫船來往出湖東

前題

邑人
傅世維

金堂縣志

卷末

治景

十九


秋光淡淡片雲無蘆荻洲邊月正孤驚起蛟龍眠不得
寒潭深處浴明珠

寶塔關

金堂縣志

卷末
治景

二十





治南冠紫山上舊有塔毀於前代僅存基址嘉慶九年
重建凡九級署其額曰培風而易山名以毓秀沱江繡
川二水繞其下遠山銜日倒影晴波憑眺之餘殊豁心
目余曾與賓從步清虛躡絕頂炷香於魁星像前

第九層

肖星像

遙見烟巒四合蒼翠迎人凡栖賢雲頂諸山環而

向者如屏如障平而峙者如硯如几聖燈揜映其伯玉
之書臺耶綉水滌洄其逸少之墨池耶快哉興復不淺
矣抑斯塔也奎光射斗筆陣橫空將使都人士梯虹月
窟奮翮天衢文風駸駸乎日上豈徒游目騁懷有以慰

余望遠之思乎

寶塔臨江

謝惟傑

百尺浮圖綉水東插天鉅筆紫雲封欲為瀛島無雙品
先作文壇第一峯門擁層巒風面面波涵斜日影重重

曲江題塔真堪羨鐫士科名啟後蹤

塔工告竣石上刻國朝科第姓氏

更塔名曰培風鵬程萬里跂予望之

前題

學博

成道華

夏圃

江干何處豁雙眸有塔巋然接斗牛筆陣凌空揮紫氣
奎光倒影漾清流

塔頂上肖奎星像

迴旋石磴千層上縹緲雲

金堂縣志

卷末

治景

二十二

巒四面收從此山靈爭獻瑞題名一一步瀛洲

前題

嚴學淦

涵春沃日姿二水滙流處明鏡湧朝螺綰翠飛梁渡一
塔聳其巔妙髻翔天步鷲頂絕鷹巢麟堂垂鳳唼閭苑
攬辰輝十陟九延佇天風從西來衣上有雲霧呼吸升
降間飛丸走烏兔叢鈴盪紫烟陰陽變昏暮水影幻蛟
龍蜿蜒爍金素此筆大如椽攜去賡韶護

前題

陳一汭

江上竦孤峯一塔入雲表倒影何鮮明微波蘸清曉我

行躋其巔俯首看飛鳥長江天際來蒼茫滿懷抱

前題

梁起祥

寶塔高撐入曉雯無邊美景箇中分
牕含遠黛濃於染
戶列平疇錯似紋指點畫船過碧澗
扶持學士上青雲
登臨洵有題名客百尺樓頭翰墨勳

前題

何椿齡

擎天筆一枝橫絕萬萬古倒影入江潭
蛟龍爲起舞

前題

陳一津

當年廢塔委蒿萊此日重教拓地開
孤影倒垂千頃裏

金堂縣志

卷末

治景

二十三

一峯飛入九霄來嵐光直共瓊華合
曙色翻將紫氣回
刻□題名休忘却東山全倚謝公才

前題



陳學山

頽然一塔入雲端醉裏登臨眼倍寬
孤影乍從天外落
好峯偏在鏡中看嵐光遠映清流碧
霽色濃添夕照殘
遙憶曲江風日好幾多名姓屬春官

金堂縣志

卷末
治景

二十四





治東有金堂峽鼈靈所開高峯插雲奔濤如駛自三江
鎮滙川西諸水出峽口俗呼爲葫蘆口有石絕類舩
橫橫江心相傳昔有仙女得道尸解沉金船於此又名
金龍船天然造設不假斧鑿亦奇景也岸側有仙女塚
山後有仙人井蜀記云金泉縣古有金船沉江東岸銳
底民於水中往往見之正謂此耳昨讀峩山志昇仙□
畔望崖下溪中一石逆水而上名石船子舊有藏舟□
壑四字坊豎道左可知蜀中巖壑之奇又不特比□□
矣

金船樣峽

謝惟傑

危峯對峙束金淵

古邑名
金淵

峽口誰留不繫船
破浪乘風

應有待揚帆載月是何年
槎浮天上仙爲客
杯渡人間佛作緣
聞道峩眉多勝蹟
藏舟於壑古來傳

前題

鄭蘭

仙島緣何不繫舟
漂停峽口枕寒流
幾時重到三山去
好載麻姑方外遊

前題

嚴學淦

海柁與江帆幾千萬餘里
金船泊當中鐵鎖沉水底
喚

金堂縣志

卷末

治景

二十六

醒勞勞人云胡不知止
兩山夾籠嵒百川爭湑
瀾瞿唐灑灑堆猥嘯嘯
山鬼一唱竹枝詞
巴人淚如水我亦事
遠遊身如舟不艤曰浪
高於山濤聲猶在耳
昨宵夢江南扁舟歸
故里曉起掛山窗披
圖乃見此

前題

黃玉堂

奇闢金臺峽何年
艤此船萬山環翠碧
一水泝清漣杯渡寧
無意乘槎或有緣
似聞蓬島近鼓楫
五雲邊

前題

陳一泐

仙去曾幾時尙有一船
在我亦忘古今每欲
歌歛乃誰

謂河水廣□岸幾千載倘作蓬萊游賴爾汎滄海

前題

梁起祥

仙女何時汎小舟傳來往蹟
檣中流危檣有影分明是
彩纜曾牽記得不杳杳隨
花歸峽口年年載月入溪
頭遙知他日乘槎去不在
人間在斗牛

前題

傅秀渭

笑他剝木與浮土一葉中流
千萬古夜靜無人也自橫
何須煉石年年補

前題

馮國柱

金堂縣志

卷末

治景

二十七

龍德先天未上天俗呼金龍船自慙無雨潤春田化爲水面
盤陀石眞似人間不繫船
摩斧幾曾煩巧匠揚帆何必
載神仙須知此景從來少
橫鎖江心豈偶然



金堂縣志

卷末
治景

二十八

聖蹟朝佛



三學山卽棲賢山在治東蜀人李八百名脫周穆王時
丹成已八百年嘗棲眞於此有叢林古剎寺左最高峯
曰聖燈山一名龍橋峯春夏時夕陽初墮烟霧迷濛遠
遠有燈見或一二點或分爲數十點聚散隨風明滅無
定每見自北而南輝輝巖岫間至雲頂山佛寺而止老
僧常於殿中拾之則一碧色樹葉也仙聖設幻星燄離
竒將以示空中之色相耶理固不可測予維聖燈之說
大峩瑩華諸山皆有之景物之同異請以質諸好遊者

聖燈朝佛

謝惟傑

何處燈懸萬點紅
龍橋峯外夜玲瓏
非關野燒穿林壑
錯認流螢度碧空
明滅有時依佛座
高低無數見神工
繡幢風定金輪轉
都在靈輝一照中

前題

嚴學淦

三十有二相
大光明可徵
微塵灑香水
寶燄飛騰騰
誰云世界海
不覩離垢燈
空中見色相
指點最上乘
金輪自在轉
花雨隨降升
是燈卽是佛
慧眼空南能
傳聞夜方午
萬壑星輝澄
盪搖雲氣中
到頂光猶凝
拾取一葉耳
妙諦誰解
磨至尊欲
微笑不堪
語俗僧

金堂縣志

卷末

治景

三十

前題

黃玉堂

會讀傳燈錄
燈燈豁我胸
今看星萬點
遠度嶺千重
慧業何須證
皈依得所宗
下方尋覺路
普照仗神功

前題

陳一泐

聖燈千萬點
飛上龍橋峯
遠度南山寺
流星光熊熊
精靈不目掩
明滅如鬼工
仙人李八百
欲問何由從

前題

傅秀渭

萬點明珠光
萬丈豈真太
乙燃藜上一
齊都向祇園
飛我佛亦應
大合掌

前題

陳一津

三學山前趁晚行
聖燈無數見分明
窺餘列宿窻中小
撲散流螢樹外輕
漫說徐妃移翠輦
蜀王衍時徐妃游此有看聖燈詩
還從李脫悟長生
他時若住龍橋下
定結茆廬向石城



湧泉在治東萬安鄉一名泉塘舊傳康熙年間居民劉姓常見白馬游飲於此就之不見一日踪跡其地掘尺許清泉數道湧出如沸遂築隄爲塘而瀦蓄之儼若巨壑時有大魚長數尺出沒其中網之弗可得每當春秋佳日綠柳陰中飛花港口或濯清漣而泛艇或倚曲岸以垂綸亦幽棲韻事也旁流迅注能激碾磨供一方帛鑿之用分渠引漑稻畦千餘畝村落石田盡成膏壤尤爲自然之利偶憶南宋蒲國寶作金堂南山泉銘并繫小序辭極工而艷睹茲麗景倘有博雅君子攜朋選勝

卽景分題發逸興於烟雲作藝林之佳話予雖學愧蹄
涔猶將搦管松軒以爲諸君倡

曰馬湧泉

謝惟傑

白馬遺踪何處尋泉塘且喜對遙岑源頭活水含生意
鏡裏天光見道心春滿花隄雲錦覆秋高荻浦月鈎沉
好隨烟艇投竿去一曲漣漪入醉吟

前題

鄭蘭

白馬傳聞異瀆泉勝醴泉宛如湯鑊沸疑動蟄龍眠春
漑田千畝秋研碾一圓旱澇何足慮擊壤樂豐年

金堂縣志

卷末

治景

三十四

前題

嚴學淦

水爲氣所蛻水躍地母之飛泉百餘泓嘯綠爭春嬉天
駟超天河非兕非蛟螭毋乃龍幻化鼓鬣鱗之而西金
鍊銀永縮地崑崙移一掬火敦腦摘來星燄奇纖纖兩
頭彎戲月雙翠眉老魚跳波舞紫烟初暝時放艇入深
處雜花鬣上吹好覓長竿去紅衣作釣師

前題

邑舉人

陳一泐
竺山

平地一泓泉跑自白馬足其中有纖鱗晨光照波綠誰
將駕扁舟垂釣時往復何如學忘機臨淵結茅屋

前題

庠生 陳一津 卯生

湧泉清泚竟如何百畝曾經拄杖過斜港雨衝漁艇散
斷橋風入柳陰多飛來翠碧閒如我買得樵青醉欲魔
卽此幽居應便足分將一曲鑑湖波